

Bosna i Hercegovina

Federacija BiH

Kanton Sarajevo

Skupština Kantona Sarajevo

23.Radna sjednica

ZASTUPNIČKO PITANJE

n/p predsjedavajuće, prof. Ana Babić

Uzimajući u obzir činjenicu kako je kroz stav Vlade koji je prezentovan u javnosti naglašeno da se moratorij na zapošljavanje, zbog specifičnosti djelatnosti ne odnosi na zdravstvene ustanove, želim vjerovati kako ipak postoji kontrolni mehanizam kojim se onemogućava zloupotreba navedene liberalne pozicije zdravstvenog sektora u odnosu na druge javne usluge..

Naravno, prije nego što postavim konkretno pitanje, dobro bi bilo da je javnost čula obrazloženje motiva za ovakav stav Vlade s obzirom da mi imamo puno specifičnih usluga u javnom sektoru, koje bi takodjer mogle biti predmet izuzetka..

Moram priznati da u situaciji kakvu imamo u zdravstvu, te generalno u javnim finansijama, ne vidim razloga da iko bude izuzet od moratorija, izuzev situacije u kojoj se ljudskim resursima štiti osnovna djelatnost bilo koje ustanove.

Na kraju, molim resorno ministarstvo da izvijesti Skupštinu KS koliko je novouposlenih u zdravstvenim ustanovama kojima je Skupština osnivač ili suosnivač. Naravno, molila bih da izvjestaj uključi stručnu spremu i radno mjesto na koju se osoba prima. Kako ne bismo bili u dilemi, provjerila sam, i ne postoji prepreka u okviru Zakona o zaštiti ličnih podataka da se ovakve informacije nadju u odgovoru Skupštini.

Sarajevo, 05.12.2016.

Segmedina Srna Bajramović

